

1987 թվականից ՀԽՍՀ- տարածքում սկսեց ժողովրդական շարժման ան-  
 նախադեպ վերելք: Այն սկսվեց հանրապետության կենսուլորտի փրկության  
 համար մղվող ցույց-հանրաժողովներով, հետո կտրուկ շրջադարձ կատարեց  
 ԼՂԽՄ-ի հարցի վրա: Իհարկե դա ուներ իր պատճառները: ԼՂԽՄ-ի հայ բը-  
 նակչությանը, ելնելով իր վիճակի ահավորությանից, կանգնած լինե-  
 լով անվերապահ բռնաձուլման վտանգի առաջ, վերջին միզը գործադրեց  
 փրկելու իր մի կտոր հայրենիքը: Իրադրությունը ոչ մի քննարկում չէր  
 հանդուրժում: Պետք էր օգնել արցախահայությանը և մենք մի մարդու  
 պես ոտքի ելանք: Կենսուլորտի համար մղվող պայքարի միակ օգուտը կա-  
 ռող էր լինել այն, որ հայ ազգը հասկանար իր ԽՍՀՄ-ի տարածքում ան-  
 վտանգ գոյատևելու անհնարությունը, իսկ ԼՂԽՄ-ի խնդիրը ոչ միայն ան-  
 հույս էր, այլև վտանգավոր էր նրանով, որ իրական էր դառնում ազգա-  
 միջյան ընդհարումների վտանգը, կարող էր անվերջ դոփել տեղում, կամ  
 ողջ ազգային շարժումը տանել անպտուղ ուղղություն: Բայց, իհարկե,  
 մենք ընտրության իրավունք չունեինք: Այս ամիսների ընթացքում մենք  
 կատարեցինք գործողություններ, որոնք ժողովրդական շարժումը պահում  
 էին որոշակի մակարդակի վրա, բայց վերջնական հաղթանակի չբերեցին, ա-  
 սեմք չէին էլ կարող բերել: Պատճառը հետևյալն էր. ԼՂԽՄ-ի հարցը նեղ  
 ձևով, առանց մյուս ազգային խնդիրներին միացնելու, լուծել հնարավոր  
 չէր:

Մոսկվայի դիրքը այս հարցում խիստ որոշակի մերժողական էր: Դա  
 նշանակում էր պայքար, ընդ որում համազգային պայքար՝ իր ողջ ժակա-  
 տով: Դա նշանակում էր համազգային պայքար, որի առաջը հենց սկզբից

փակված էր, և որը նշանակում էր անմիջականորեն հակադրվել ԽՍՀՄ-ի կա-  
ռավարութեանը: Ինչ ուղղութեամբ պետք է գնայինք: Շարժման առաջին  
փուլի ղեկավար հզոր Մուրադյանը սկզբում փորձում էր գնալ հարցը ծայ-  
րահեղութեան չհասցնելու մանապարհով: Չունենելով քաղաքական բավարար  
փորձ, և սխալ պատկերացում ունենալով թե ներկա քաղաքական իրադրու-  
թեան, թե պատմութեան մասին, փորձում էր ներշնչել ԽՍՀՄ-ի կառավարու-  
թեանը, ռուս և հայ ժողովուրդներին, որ գոյութիւն ունի այնպիսի քա-  
ղաքական իրավիմակ, երբ ռուսները պետք է կողմնորոշվեն դեպի հայերը  
և վարեն ադրբեջանցիների նկատմամբ զգուշավոր քաղաքականութիւն: Ի-  
հարկե նրա փաստարկները անհամոզիչ էին, հետևաբար մերժվեցին: Հենց  
այդ ժամանակ էր, որ շարժումը իր տարերային բնույթը պետք է փոխեր և  
ավելի լուրջ կազմակերպվեր: Ցավոք, պարոն Մուրադյանը դրսևորեց հա-  
յացքների սահմանափակութիւն: Առաջարկեց ցրվել տները և Արցախը հայե-  
րով բնակեցնելու, այն Հայաստանին տնտեսապես կապելու շնորհիվ, ժամա-  
նակի ընթացքում միացնել Հայաստանին: Վերջում էլ կոչ արեց պաշտպան  
կանգնել Կորեն Դեմիրճյանին, չնայած նա օգնութիւն ոչ մեկից չէր  
խնդրել:

Ժողովուրդը իր առողջ բնազդով զգաց այդ կոչերի անօգուտ, անկի-  
րառելի լինելը:

Նոր կոմիտեն փորձեց շտկել դրութիւնը: Ընդհանրապես դրական տե-  
ղաշարժեր տեղի ունեցան: Ստեղծվեցին նոր միավորումներ ու կազմակեր-  
պութիւններ: Փորձեր եղան Արցախյան շարժումը միավորել ազգային  
մյուս շարժումների հետ և դրանով ուժեղացնել միմյանց: Փաստորեն Ար-  
ցախյան շարժումը վերամեց համազգային շարժման, բայց չկարողացավ  
լուրջ ուժ դառնալ: Պատճառն այն էր, որ Արցախյան շարժումը առաջնային  
առը գրավեց համազգային շարժման մեջ և թուլւ չտվեց, որ շարժումը ո-  
րոշակիացնի այն համազգային գաղափարը, որի հետևից պետք է գնայինք:  
Այստեղ մեղավոր էին, իհարկե, գլխապտուլտ արագութեամբ զարգացող իրա-  
դարձութիւնները և շարժման մի շարք ղեկավարների անվճռականութիւնն  
ու սահմանափակութիւնը:

Ինչպես վերը նշվեց Արցախյան շարժումը պետք է ուժեղանար՝ միա-  
նալով համազգային շարժմանը: Միայն համազգային մակառի հաղթանակը կա-  
րող է ինչ-որ կերպ լուծել Արցախյան խնդիրը: Ինչպիսի՞ն պետք է լինի

այդ շարժումը: Ինչ դրոշի շուրջ այն պետք է համախմբի ազգին:

Մարդկության պատմության փորձը հուշում է, որ բոլոր ազգերն ու ժողովուրդները կարող են գոյատևել, պահպանել իրենց լեզուն ու ազգային առանձնահատկությունները, բարգավաճել միայն անկախության պայմաններում, միայն ազգային պետականություն ունենալու դեպքում: Հայերը բացառություն չեն կարող:

Ղարաբաղյան և Հայոց համազգային շարժման ղեկավարները արդեն շատ ամիսներ չեն կարողանում ստեղծել մի այնպիսի գաղափարախոսություն, որը կարողանա համախմբել ողջ ազգին և որի շնորհիվ կարողանանք քավարար քաղաքական կշիռ ստանալ, թե ԽՍՀՄ-ի ներսում, թե ողջ աշխարհում: Բանն այն է, որ Ղարաբաղյան շարժման ղեկավարների մեծ մասը չի ընդունում Հայաստանի անկախացման գաղափարը, համարում է այն առայժմ անկիրառելի և նույնիսկ վտանգավոր: Դա լուրջ սխալ է: Նախ իրավազրկված, փաստորեն պետականությունը կորցրած ազգը, բացի անկախանալուց, ուրիշ ոչ մի պայքարի ու գոյատևման ծանապարհ չի կարող ունենալ: Ազգի խնդիրները, լինեն տարածքային կամ մեկ այլ տեսակի, կարող են լուծվել միայն ինքնաշարժ պետականություն ունենալու դեպքում: Սա պատմականորեն հաստատված ու ապացուցված մշարտություն է: Պետականություն չունեցող ազգի համազգային գաղափարախոսությունը կարող է լինել միայն պետականությունը վերականգնելը և նրա անկախությունը պահպանելը: Հենց միայն գաղափարի որոշակիացումը արդեն բերում է պայքարի ուղու որոշակի դառնալուն: Կարելի է անել շատ հաջողված քայլեր, բայց հնարավոր չէ հաղթել, մինչև չլինի գաղափար, նպատակ: Քանի որ բացի պայքարի սահմանադրական ծանապարհից, մեկ այլ ծանապարհ գոյություն չունի մեզ համար /այսինքն այլ ծանապարհ միայն բռնություն է, իսկ դա անկիրառելի է, որովհետև անընդունելի է որպես միջոց/, ուրեմն մենք կարող ենք գործել միայն ելնելով ԽՍՀՄ-ի և ՀԽՍՀ-ի սահմանադրություններից: Աստիճանաբար, սկզբում սուկերենությունը վերականգնելու ձևով անկախանալը, գոյություն ունեցող սահմանադրության պայմաններում անհնար է, որովհետև այն իրավաբանական լուրջ հիմքեր չունի: ԽՍՀՄ-ի կառավարությունը էստոնական ԽՍՀ-ի վերաբերյալ քավարար հստակությամբ հայտնեց իր դիրքորոշումը այս հարցի վերաբերյալ:

Միայն մի իրավունք կա, որի առաջ ոչ մի առարկություն չի կարող

լինել որևէ ժողովրդի կամ կառավարութեան կողմից՝ դա ազգերի ինքնորոշման իրավունքն է: Դա միակ իրավաբանական հիմքն է, որը կարող է ապահովել բոլոր օրինական գործողութիւնները՝ նպատակին հասնելու ծանապարհին: Ինքնորոշումը ազգային պայքարի նպատակն է և հենվում է ԽՍՀՄ-ի սահմանադրութեան 72-րդ կետի վրա:

Այդ նպատակային ծրագիրը իրականացնելու համար գոյութիւն ունի մի ծե, մի միջոց, դա հանրաքվեն է: Միայն այդ ծանապարհով կարելի է բավարար իրավական հիմք ունենալ ինքնորոշվելու համար: Հանրաքվեի առկայութեան դեպքում, ժողովրդի անկախացման դեմ կատարվող բոլոր տեսակի գործողութիւնները կդիտվեն որպես անիրավական բռնութիւն, ուրիշի տարածքի նվաճում: Համենայնդեպս կարելի է ասել հաստատ. ազգի համար անկախութիւնից բացի այլ ընդունելի գաղափար չի կարող: Անկախութեան հասնելու համար բոլոր ծանապարհներից միայն պիտանի է սահմանադրական ուղին և այդ իսկ պատճառով ինքնորոշումը միակ ճիշտ նպատակն է: Ինքնորոշվելու միակ իրական ծանապարհը համաժողովրդական հանրաքվեն է, որովհետև միայն այդ դեպքում ժողովրդի կամքը կդիտվի իրավաբանական տեսակետից, անբասիր: